

nem, aut Hispanorum in legendis regibus inueteratum morem? Nemo omnium tam barbarus est, nulla gens tam fera, quae florenti Imperio novos initiari Reges & quasi surculos inserere non consultissimum putet? Documento nobis prae alijs pluribus sit Changius primus omnium Rex Testatorum populi suffragio factus, ordinatus, confirmatus, qui Horotam filium in spem imperij Regem designauit. Superuacaneum esse arbitror Illustrissimi Auditores in profanis historicorum litteris perlustrandis multum studij consumere atq; laboris. Vel ipsis infantibus nota est cognitaq; historia sacris consignata monumentis, Dauidem Saulo uiuente à Samuele Prophetarum Coriphæo inunctum, futuri Imperij sceptrum, omnemq; potestatem accepisse: qui deinde Salomonem stupendae & admirandae sapientiae miraculum gnatum per amantissimum longè ante uitae suae finem (quâ pompâ, quâ ue solennitate, sacra refert pagina) in augurauit, incolumitati subditorum dedicauit, adq; actiones, Consilia & deliberationes eundem adhibuit.

Diuturnitatem hanc designandorum & constituendorum regni successorum conuincunt appellationes praecclare apud Spartianum in Aelio Vero exstantes, & in l. si excepta. 7. C. de Malef. & Mathemat. Quibus in locis Constantinus ipse Iulianum Caesaris titulo ornat, nominat & commendat. Egregius item legum vertex Ulpianus in l. si curator. 5. & in l. fiscus. 6. §. final. ꝯ. de Iure Fisci, nominis huius mentionem facit. Probant eandem in Germaniâ Regum Romanorum inscriptiones: in Hispania Regni Infantum, Delphinorum in Gallia, Ducum Calabriae in solo Neapolitano. Ut verbo dicam, grauisissima rationum, necessitatis & utilitatis pondera, hanc de quâ iam loquimur, futuri regni successoris praematuram in augurationem, Confirma-